

CHARACTERVM QVARTAE MVSCV.
LORVM TABVLAE INDEX.

PRÆSENS tabula quamplurimos præcedentis tabulæ musculos sectionis serie ademptos commonstrat, & deinde plerosq; qui prioribus figuris nondum in conspectum uenire, uidendos offert. quod omnes ad octauam usq; musculorum tabulam subsequentes tantisper præstabunt, dum ossa anteriori facie nuda conspiciantur.

- I Musculus temporalis, cuius principium semicirculo non absimile A, B & C circumscribitur.
D Ossis iugalis externa sedes, quæ excarnis est.
Δ Masteter. E huius musculi principium a malo exortum. F principij ipsius portio auri proxi-
E, F. ma. Cæterum ab E ad F totus ipsius principij ductus secundum iugalis ossis longitudinem metitur.
G Infima musculi insertionis sedes notatur. Porro si triangulo hunc assimilare lubet, E, F & G tres angulos tibi proponere finges.
H Nerviulus minoris radices tertij paris nervorū cerebri, hæc fontis musculi osam compage petis.
I Nerviulus dictæ modo radices ad superius labrum, & externam alæ nasi sedem propagatus.
K Cartilago in quam sinistrum nasi os desinit.
L Ala nasi sinistra dictæ modo cartilaginis extremo alligata incumbensq;. Inter K & L narium cute iam ablata cum quibusdam membranis ligamentis, in conspectum uenit interior alæ nasi musculus nimisquam tenuis.
M Musculus a superiori maxilla in inferiorem insertus, ac buccas mouentium unus.
N Musculus sinister inferiori labro peculiaris, cuius sanè corpus minori negotio, quam multiplex ipsius fibrarū intersectio delineari potest, quod etiā in musculo M notato usu uenit. Auris autem foramen citra O oppositionem sese ostendit, uti etiam auris radice subditæ glandulæ hunc characterem quodammodo exprimentes.
O Vix conspicua est eius musculi portio, qui inferiorem maxillam deorsum uellit.
P Hac sede os reponitur v imaginem referens.
Q Musculus a temporum ossis processu styli formam imitante enatus, ac ossi v simili insertus.
R Musculus sinister ab inferiori maxilla in os v referens, insertionem tentans, cuius coniunx nonnihil quoq; hic se spectandum præbet.
S, T Dexter & sinister ossis v imaginem exprimentis musculi, a pectoris ossis summo pronati.
V, V Musculus gracilis & longus, qui a superiori scapulæ costâ ossi v referenti implantatur.
Θ Musculus capitis motibus subseruiens, qui ab osse pectoris principium X notatum sumit, dein-
X, Y. de aliam partem Y indicatā, a clauiculæ sede pectoris ossi proxima. Cæterum Z insertionem
Z. ipsius insinuat, qua uniuersum mamillarem capitis processum amplexatur.
a Clauicula magna ex parte anteriori ipsius sede excarnis.
b Musculi scapulam mouentium secundi insertio.
c Musculorum hic magnâ obscuritate pariūt uasa caput adeūtia, & nerui in brachiū excurrētes.
d Musculus a clauicula in primam thoracis costam insertus, ac thoracem mouentium primus.
Ξ Musculi brachium attollentis anterior pars, posteriorem decima ostendit tabula adhuc in sua sede repositam, ac Δ præcipue insignitam. Proximè autem sequens tabula anteriorem hanc partem ab exortu liberam reflexamq;, ac γ notatam commonstrat. Porro in præsentī figura e, f, et g. g conspicuam hic musculi brachium attollentis partem, trianguli ritu describunt.
h Musculi brachium pectori adducentis insertio, quam in dextro brachio Q & T notauit, &
Q, T, Δ ipsi musculo Δ quoque imposuit, quo hi characteres ad præcedentis tabulæ notas referantur, ad KL, R. quam quoq; K, L & R spectant.
i Pectoris os liberum ab initij musculorum brachia pectori adducentium.
2, 3, 4 Secunda, tertia & quarta thoracis costæ, ad quas reliquæ seriatim subsequuntur, atq; in harū interuallis exteriores musculi intercostales sunt obuij. Lineæ autē in costis ductæ, atq; ad characterum sinistrā consistentes, ossa costarum ab earundem cartilaginibus determinant, sunt enim illæ notæ cartilaginibus inscriptæ.
k Musculus scapulam mouentium primus. l Musculus thoracem mouentium secundus.
m In dextra axilla m latitat, musculum notans, quo brachium deorsum trahitur.
n Dexter lateris reclus abdominis musculus, hic altius quam oblique ascendens musculi nervosa tenuitas conscendens.

- o Abdominis musculus oblique descendens, quem hic in posteriora ab abdomine reflexū finximus.
π Abdominis musculus oblique ascendens, ac totam, uti conspicias, sui lateris abdominis sedem amplectens, quem quodammodo circumscribunt o, n, p, q, & lineæ secundum inferiorem abdominis sedem ad ilium os, & coxendicis, & pubis ducta.
p, q Portio obliquorum abdominis musculorum descendentiū, quæ ad albam in abdomine apparentem lineam est relicta. Cæterum q priuatim significat penis constructionem, qui ad pubis os, quæ primum flaccidus, deorsum denovo propēdet, dissectus est. Duo itaq; uelut insigniores circuli, duo ipsius sunt corpora, circulus autem sub illis consistens, meatus est urinæ seminiq; communis.
r Vasa seminaria, quæ hic priuatim enarrare non proposui, quemadmodum etiam neq; testis musculum, cui ut a uasis distinguatur, s asseripsi. Verum hūc 22 figura Libri quinti & edocebit.
t Musculus cubitum flectentiū anterior, cuius interioris principij carnosæ parti nullum adhibuit characterem, quum is hic, uti neq; in sequenti tabula, adhuc auferri possit. Interuallum autē inter duo ipsius apparens principia, humeri seu brachij os existit.
u Musculus cubitum extendens, cui ab humiliori scapulæ costâ principium præbetur.
x, x Posterior cubitū flectentiū musculus. y Musculus superior radium in pronum ducentium.
z Radiū in supinū agentium longior. β Musculus quatuor digitorū secūdos flectēs articulos.
Σ Musculus ulnæ exporrecus, & brachiale flectens, γ ipsius caput, δ ipsius insertio.
c Musculus alter brachiale flectens, hicq; deorsum dependens.
d Musculus primum parui digiti internodium uersus exteriora flectens.
e Hic musculus propendet, paruum digitum a reliquis in externum latus abducens.
f Transuersum ligamē in interna brachialis sede obuium, tendinibusq; hæc repentibus obductum.
i Musculus maior, primum pollicis os flectentium.
k Propendet hic musculus, cuius beneficio pollicem ab indice maxime remouemus.
l Latus summæ manus tendo unā cum ipsius tendine, a summis quatuor digitorū actibus in dextra manu dependens. Præterea hic in ueriusq; manus uola tendines occurrunt mucosis membranis induti, atq; ad digitos protensi.
μ Secundus femur mouentium musculus. ν Primus femur mouentium musculus.
ξ Ossis sacri ossis dextro lateri cōmissi sedes, a qua primum & sextum tibiā mouētes rescuimus.
θ Characterē & sedes insignitur maioris exteriorisq; femoris processus.
φ Nonus tibiā mouentium musculus, cuius initium supra coxendicis articulum incipiens o notatur, & uerō tendinis ipsius principium, p sedes indicatur, qua præsentis musculi tendo subditis connascitur tendinibus.
i Musculus femur mouentium septimus. τ Musculus femur mouentium sextus.
u In sinistro femore musculus v insignitur, femur mouentium octauus.
φ Quinti femoris motui seruientium. x Secundus tibiā mouentium.
ψ Octauus tibiā mouentium. ω Septimus tibiā mouentium musculus, in dextro femore insignitus, quod ibidem is sit conspectior.
2 Primus tibiā mouentium musculus. 3 Sextus tibiā mouentium. 4 Sextus pedem mouentium musculus, unā ut duo præcedentes, ab insertionē pendens. Cæterum in sinistro crure etiam obseruatur primi tibiā mouentium, & huius sexti pedem mouentium insertionis portio, 5, 6. huius quidem insertioni characterē 6, illius uerō 5 insignito.
7 Septimus pedem mouentium musculus.
8, 9 Excarnis tibiæ ossis pars, a cuius externo latere sextus pedem mouentium musculus ablatus est. Verum 9 priuatim interiorem notat malleolum.
Y Musculus quatuor pedis extendens digitos. 10 ipsius exortus insignitur. 11 uerō ipsius sedes, 10, 11. qua portionem suam emittit, quam noni pedem mouentis musculi loco numerabimus, & hic Ω notauimus. 12 Musculi Y insigniti sedes, quatuor tendines, quibus quatuor digiti extenduntur, pullulans. Ω uti & iam paulo antē scripsi, musculus notatur inter pedis motores nonus, 13. qui bicorni tendine insertionem 13 notatam tentat.
14 Musculus pollicem extendens. 15 Musculus pedem mouentium octauus.
16 Musculus pedem mouentium secundus. Reliquos autem in posteriori tibiæ sede non notabimus, quod eadem hic cum tribus tabulis præcedentibus sit ratio.